

Sample Letter for Parents/Caregivers

Hmong Version

Hawmtxog Niamtxiv/Cov saibxyuas,

Peb lub tsev kawmntawv ntseeg tias uantej uas ib tug tub kawmntawv yuav ua tau zoo nyob rau hauv tsev kawmntawv, tub kawmntawv yuav tsum txaus siab rau nws tus kheej thiab muaj kev kajsiaj nojqab nyobzoo tsosiaj lug. Vim peb xav tsim kom muaj kev nyabxees sibtsaug zoo nrog rau txhua haiv neeg, peb tau caw Youth Frontiers tuaj muab ib lub rooj cobqhia uas yog kev pab txhawbzog rau txoj kev muaj peevxwm lossis ua tau siabtawv (Courage Retreat).

Txij thaum 1987, Youth Frontiers (YF) – yog ib lub koomhaum uas tsis cais pab pawg twg (a nonpartisan, nonprofit organization) nyob rau hauv nroog Minneapolis – yeej ibtxwm npaj tej yam xeejxwm zoo li no uas yog los txhawb tej pejxeem tsev kawmntawv kom muaj kev sibtsaug zoo thiab pab rau cov hluas sawvdaws kom tsimxav txog txoj kev tseemceeb uas lawv yuav tau hwm lawv tus kheej thiab saib taus lwm tus. Lawv lub zeem muag yog los hloov tej hluas txoj kev haislus ib leeg hwm ib leeg thaum sibntsis ntawm tej kistsev (hallway), thaum ua kab mus nojsu thiab nyob hauv chavkawm ntawm txhua lub tsev kawmntawv hauv tebchaws America no sub cov hluas nyob rau tamsim no thiaj li yuav hloov tau kom lawv lub neej tagkis zoo dua tuaj.

Nyob rau lub rooj cobqhia Courage Retreat no, cov tsavxwm hauv Youth Frontiers yuav los ua tibzoo xyuas kom muaj kev ruajntseg zoo dua tuaj nyob rau hauv tej zejzog tsev kawmntawv uas yog yuav npaj muaj ntau yam kev cobqhia rau cov tub kawmntawv no kawm los pab ntxiv rau lawv txojkev xav thiab lawv kev to taub txog lwm tus. Thiab qhia tej yam kev uas yuav pab tau lawv kom txhob pub muaj kev sib thum tsodag haislus phem tsis zoo rau ib tug twg.

Uantej uas txoj kev ruajntseg/yabxees no yuav huamvam tuaj raws li lub siabxav, peb ntseeg tias qhov no yog ib yam tseemceeb uas tagrho ib cuab pejxeem sawvdaws yuav tau los sib koomtes txhawb nqa thiab sibtham nrig txog cov lusqhia uas tau muab nyob hauv lub Rooj Cobqhia. Vim li no, peb thov nquag hu kom nej cov niamtxiv thiab cov saibxyuas yuav tsum tau nrog nej cov minyuam tham thiab nug lawv txog lub rooj cobqhia no saib lawv mus kawm tau dabtsis lawv li tej nqe lus nram qab no thaum lawv los txog tsev.

1. Yam kev cobqhia twg muaj kev lomzem dua rau koj?
2. Cov thawj coj ntawm tej pab me me coj puas tau zoo?
3. Tej yam ua rau koj ntshai thiab koj tau tham nrog koj cov phoojywg kawm uake ntawm tej pab me me yog dabtsi?
4. Yam dabtsis ua rau koj hniaj hnuv txhawj thiab tiv tsis taus?
5. Ib yam uas koj ua tau tagkis nyob rau tom tsev kawmntawv qhia tau tias koj muaj peevxwm/siab tawv yog dabtsi?

Thov mus xyuas youthfrontiers.org/courage-retreat yog koj xav paub ntxiv txog Youth Frontiers, muaj ntaubntawv nyeem thiab muaj daim video rau niamtxiv xyuas txog lub rooj cobqhia Courage Retreat.

Nrog kev ncajncees,

Thawjcoj Tsev Kawmntawv lossis Kws Qhiantawv